

## TE MARAUTANGA O AOTEAROA

### NGĀ TOI

- Toi Ataata
- Toi Puoro
- Ngā Mahi a te Rēhia

## He Kōrero Whānui

### He Whakamārama

Ko te whāinga o te tukutuku ako he tautohu i ngā akoranga tāpua i roto i te wāhanga ako, ā, ka tuituia ēnā akoranga tāpua ki raro i ngā whakaaro whānui mō taua wāhanga ako. He rauemi hou te tukutuku ako hei whakamahinga mā te kaiako ki te waihanga i tētahi hōtaka ako e whai wāhi mai ai ngā akoranga matua katoa o taua wāhanga ako.

Ehara i te mea e herea ana te tukutuku ako ki tētahi whakaraupapatanga ako kotahi. Ka tīmata pea te raupapatanga ako i tētahi horopaki ako e hāngai ana ki te taiao o te kura, i tētahi āhuatanga rānei e ngākaunui ana ngā tauira. Ka hāngai pū pea tēnei kaupapa ako ki tētahi whakaaro whānui, heoi kei reira hoki ōna kōtuituinga ki ētahi atu whakaaro whānui. Kua waihangatia mai ngā tukutuku kia wātea ai te kaiwhakaako ki te whakarite hōtaka ako tāwariwari, mārama anō hoki.

Ka oti ngā puka ārahi i te whakaako me te aromatawai te waihanga, ka whakatauiratia ki ētahi horopaki e kitea ai te hāngai ki ngā whakaaro whānui. Heoi anō, ehara i te mea e herea ana, e toka ana rānei ēnā tauira. Ko ngā horopaki ka whakatauiratia, ka taea hoki pea i ētahi atu whakaaro whānui.

Mā te tukutuku aromatawai hei tautohu ngā akoranga e tōtika ana mō te whiwhi tohu, ā, ka whakatau iho hoki i ngā paerewa hei whakatutuki i tēnā tohu, te momo aromatawai me te taumaha o ngā whiwhinga. Kia mahara anō hoki, ehara i te mea he whakamātautau ā-pepa anake te aromatawai ā-waho; arā anō ngā kōwhiringa hei whakatutuki i te aromatawai ā-waho. Ā, pērā anō i te tukutuku ako, ehara i te mea e herea ana, e toka ana rānei ngā whakaraupapatanga aromatawai, engari kua whakaritea kia ngāwari te whakahāngai ki ngā marautanga ā-kura.

### Te Waihanga Tukutuku

I waihangatia mai ngā tukutuku e ētahi ohu mātanga e mātau ana ki tēnā wāhanga ako, ki tēnā wāhanga ako. Nā rātou nei ngā whakaaro whānui mō ia wāhanga ako i waihanga. Ko ngā akoranga tāpua ngā akoranga kāore nei e tika ana kia mahue, kia whakarerea noatia. He rerekē i ia wāhanga ako, nā te rerekē o ngā tikanga me ngā ritenga i ahu mai ai ēnā mātauranga. Heoi anō, he āhuatanga ako kei tēnā, kei tēnā i pūtakea mai i ēnei momo mōhiotanga e toru e whai ake nei:

- te maumahara me te tātai meka;
- te mātau ki ngā whakaaro me te whakahāngai ki ngā horopaki huhua;
- ngā tukanga waihanga, whakamātautau hoki i ētahi mātauranga hou i roto i te kaupapa ako, tae atu ki ngā pūkenga me ngā mōhiotanga tukanga.

I hangā mai ngā tukutuku kia māmā ai tā te kaiwhakaako whakarite hōtaka ako e whai wāhi mai ai ngā tauira huhua rerekē me ō rātou tāera ako.

## Ngā Toi

### Iho Toi

Kei te tipua,  
E Toi, hiko kau ana te ngākau i tō karanga  
Mā tō ngākau te wairua e hiki  
Mā tō wairua te reo e tuku  
Mā tō reo te hinengaro e whakapuaki  
Mā te hinengaro te kupu e raranga  
Mā te raranga i te kupu te taonga tuku iho e whakairo.  
Mau ake ana i tō hei tiki  
Ko Puoro e tangi nei  
Ko Rēhia me ōna wiwini, ōna wawana  
Ko Ataata me ōna kanoahi  
E rere ai te reo hei herenga  
Mau kau atu ōu kamo ki ngā iwi  
Mai i te ao kōhatu ki te ao mārāma  
Kia pā mai, kia pā atu tō hā.  
Kia hiko tonu!  
Tukua te hinengaro kia rere, kia kore ai ngā taonga nei e noho tapu, e noho kōhatu  
Heipū noa he noa atu te patu; te tatangi, te wiri, te whātero e.

### Te Whaitake o ngā Toi

Ekehia ngā toi maunga kia whitikia e te toi awe haukura o te atatū, ko te toi ka taea i te ringa hangahanga o te tohunga toi. Ko Toi te uri o Mahara Pohewa. Toi whakaataata e kitea ai ngā uriuri o te hinengaro, mā toi ka rere te toi ora tangata.

He toi tupu, he toi ora, he toi i ahū mai i Hawaiki. Kia mau ki te toi hanga whare tangata, okioki i te toi o te maunga. Ko te toi ka ora, ko te iwi ka toitū. E tū ana te haka, he tohu whenua rangatira te haka, te haka a Tānerore. Ko te haka a Hineruhi ka tū i te ata hāpara. Te toi whakaaro, ka ihiihi, ka wehiwehi, ka aweawe te ao katoa.

-Nā Hirini Melbourne

### Te Hanga o tēnei Wāhanga Ako

## Review of Achievement Standards

Ko ngā toi te kaikawe i ō tātou whakaaro, tirohanga, hiahia, tūmanako, kia kitea ai e te ao. Ka whakaatatia tā tātou titiro ki te ao tawhito, ki te ao hurihuri, ki te ao anamata, mā roto i ngā puoro, i ngā toi ataata me ngā mahi a te rēhia. Mā ngā toi e whakapakari te wairua, te wehi, te wana, te ihi, te mauri. Nā te hiringa o te mahara o te tohunga toi, ka whakaatu āna taonga i ngā mea ka kitea me ngā mea kāore e kitea. Hāngai pū ai a Ngā Toi ki te harakoatanga, ki te katakata, ki ngā hapa, ki ngā haututū whakamātautau, ngā hōhātanga hoki.

(TMoA, Ngā Toi)

### Ngā Whakaaro Whānui: Ngā Toi

**He taonga tuku iho ngā toi**

**He reo motuhake ngā toi**

**Ko ngā toi he hononga ki tō tātou nei ao**

**Ko ngā toi he uri nō mahara pohewa**

Ka noho ēnei whakaaro whānui ki ngā pou e toru o Ngā Toi, arā ko te Toi Ataata, te Toi Puoro me Ngā Mahi a te Rēhia.

### Ngā Whakaaro Whānui me ngā Akoranga Tāpua

**He taonga tuku iho ngā toi**

**Ngā akoranga tāpua:**

- He tikanga huhua, he whakapapa anō hoki ō ngā toi.
- Ka pupuri, ka whakapuaki ngā toi i ngā kōrero ā-iwi me ngā kōrero tuku iho.
- He kaitiaki te kaitoi, māna e tiaki, e whakaaauaha, e whakawhanake hoki ngā toi.

**He reo motuhake ngā toi**

**Ngā akoranga tāpua:**

- Ko ngā toi he ara hei whakamāori i te ao whānui.
- Ko ngā toi he ara hei whakapuaki i tā tātou titiro ki te ao me ō tātou whakaaro.

## Review of Achievement Standards

- He reo tō ngā toi e kore e tū noa, ka panoni haere, ka whai tikanga hou i runga anō i tōna horopaki.

### **Ko ngā toi he hononga ki tō tātou nei ao**

#### **Ngā akoranga tāpua:**

- He whai hononga ngā toi ki tō tātou onamata, te nāiane me te anamata.
- Mā ngā toi tātou e tūhono ki ō tātou tūpuna, ki te taiao me ngā aronga ā-iwi.
- Ko ngā toi, he matapihi ki te ao (wā, horopaki, mokowā).

### **Ko ngā toi he uri nō mahara pohewa**

#### **Ngā akoranga tāpua:**

- Mā te whakamātau me te tūhura ka puta mai ko ngā akoranga hou.
- He taonga te takaro.
- Ko ngā toi, he uri nō mahara pohewa, whakatipua kia ora, kia auaha.

## **Ngā Akoranga Tāpua - Ngā Toi**

**Ngā Whakaaro Whānui me ngā Akoranga Tāpua**

## Review of Achievement Standards

Ngā Whakaaro Whānui me ngā Akoranga Tāpua	Ngā Akoranga Tāpua i ngā Taumata 6-8 o <i>Te Marautanga o Aotearoa</i>		
	Taumata 6	Taumata 7	Taumata 8
<p><b>He taonga tuku iho</b></p> <p>Ngā akoranga tāpua:</p> <ul style="list-style-type: none"> <li>• He tikanga huhua, he whakapapa anō hoki ō ngā toi</li> <li>• Ka pupuri, ka whakapuaki ngā toi i ngā kōrero ā-iwi me ngā kōrero tuku iho</li> <li>• He kaitiaki te kaitoi, māna e tiaki, e whakaaauaha, e whakawhanake hoki ngā toi</li> </ul>	<p>Ka mōhio te ākonga:</p> <ul style="list-style-type: none"> <li>• he whakapapa, he tikanga anō hoki ō ngā toi Māori</li> <li>• he kaitiaki te kaitoi.</li> </ul>	<p>Ka mōhio te ākonga:</p> <ul style="list-style-type: none"> <li>• ko ngā kōrero whakapapa me ōna tikanga e ahua ana i te aronga/horopaki ā-iwi/tangata, i te taiao hoki</li> <li>• mā te kaitoi ngā tikanga toi e kawe, e whakaputa ki te ao.</li> </ul>	<p>Ka mōhio te ākonga:</p> <ul style="list-style-type: none"> <li>• ko ngā kōrero whakapapa me ōna tikanga he ara e tūhono ai tātou ki te ao hurihuri</li> <li>• mā te kaitoi ngā tikanga toi e tātari, e panoni i runga anō i ngā horopaki me ngā āhuetanga o te wā kia whai hononga te onamata ki te ao hurihuri.</li> </ul>

## Review of Achievement Standards

Ngā Ariā Matua	Taumata 6	Taumata 7	Taumata 8
<p><b>He reo motuhake</b></p> <p>Ngā ākoranga tāpua:</p> <ul style="list-style-type: none"> <li>• Ko ngā toi he ara hei whakamāori i te ao whānui</li> <li>• Ko ngā toi he ara hei whakapuaki i tā tātou titiro ki te ao me ō tātou whakaaro</li> <li>• He reo tō ngā toi e kore e tū noa, ka panoni haere, ka whai tikanga hou e ai ki tōna horopaki</li> </ul>	<p>Ka mōhio te ākonga:</p> <ul style="list-style-type: none"> <li>• ko ngā toi he ara hei whakamāori/whakapuaki atu i ngā whakaaro</li> <li>• mā ngā nuka toi ngā whakaaro/tirohanga o te wā e whakamāori.</li> </ul>	<p>Ka mōhio te ākonga:</p> <ul style="list-style-type: none"> <li>• mā te whakamahi i ngā nuka toi e tika ana ka puta atu ngā whakaaro ki te ao</li> <li>• ka panoni haere ngā nuka toi i runga anō i te horopaki me ngā tikanga/tirohanga o te wā.</li> </ul>	<p>Ka mōhio te ākonga:</p> <ul style="list-style-type: none"> <li>• mā ngā toi tō tātou ao e whakaaweawe kia tipu mai ko ngā tirohanga hou</li> <li>• mā tō tātou ao ngā toi e whakaaweawe kia whaitake ai ki tēnei ao hurihuri.</li> </ul>



## Review of Achievement Standards

Ngā Ariā Matua	Taumata 6	Taumata 7	Taumata 8
<p><b>He hononga ki tō tātou nei ao</b></p> <p>Ngā ākoranga tāpua:</p> <ul style="list-style-type: none"> <li>• He whai hononga ngā toi ki tō tātou onamata, te nāianeī me te anamata</li> <li>• Mā ngā toi tātou e tūhono ki ō tātou tūpuna, ki te taiao me ngā aronga ā-iwi</li> <li>• Ko te toi he matapihi ki te ao (wā, horopaki, mokowā)</li> </ul>	<p>Ka mōhio te ākongā:</p> <ul style="list-style-type: none"> <li>• ko ngā toi he ara e whai māramatanga ai te tangata ki tōna ao</li> <li>• ko ngā toi he waka kawē whakaaro hoki.</li> </ul>	<p>Ka mōhio te ākongā:</p> <ul style="list-style-type: none"> <li>• ko ngā toi he mea e ahuahū ana i te horopaki o te wā, arā, ōna tirohanga tae atu ki ngā rawa/ tikanga ka whāia e te kaitoi</li> <li>• mā ngā toi ngā whakaaro me ngā kare ā-roto o te wā e whakaputa ki te ao.</li> </ul>	<p>Ka mōhio te ākongā:</p> <ul style="list-style-type: none"> <li>• mā ngā toi te onamata me te anamata e tūhonohono ai</li> <li>• ko tā ngā toi he kōtuitui i ngā tikanga me ngā aronga/kare ā-roto o te tangata/iwi kia rangona e te ao, ki te ao.</li> </ul>

## Review of Achievement Standards

Ngā Ariā Matua	Taumata 6	Taumata 7	Taumata 8
<p><u>He uri nō mahara pohewa</u></p> <p>Ngā akoranga tāpua:</p> <ul style="list-style-type: none"> <li>Mā te whakamātau, me te tūhura ka puta mai ko ngā akoranga hou</li> <li>He taonga te takaro</li> <li>Ko ngā toi he uri nō mahara pohewa, whakatipua kia ora, kia auaha</li> </ul>	<p>Ka mōhio te ākonga:</p> <ul style="list-style-type: none"> <li>he akoranga nui ka puta i te tūhura me te whakamātau</li> <li>kei ngā toi ngā āhuatanga ao wairua, ao kikokiko anō hoki.</li> </ul>	<p>Ka mōhio te ākonga:</p> <ul style="list-style-type: none"> <li>mā te kōtuitui i ngā tikanga toi ka puta mai ko ngā āhuatanga hou</li> <li>mā te kaitoi ngā āhuatanga ao wairua, ao kikokiko e kōtuitui kia puta ki te ao mārama.</li> </ul>	<p>Ka mōhio te ākonga:</p> <ul style="list-style-type: none"> <li>mā te āta tātari ka whakapakari, ka whakapai ake te kaitoi i āna mahi</li> <li>kei ngā toi ngā ariā ao wairua, ao kikokiko hei tūāpapa mō ā tātou mahi katoa.</li> </ul>

## **Te Tukutuku Paerewa**

# Review of Achievement Standards

## Te Wetewete i ngā Paerewa

Ko ngā paerewa kei raro iho nei (ngā taitara kei te Tukutuku Paerewa) ka taea te whakamahi ki ngā pou e toru o Ngā Toi. I te wā ka mana ngā paerewa, ka puta ko ngā paerewa me tētahi nama motuhake.

Hei tauria:

AS91xxx 1.1 Te tūhura i ngā ariā toi kei ngā toi ataata

AS91xxx 1.1 Te tūhura i ngā ariā toi kei ngā toi puoro

AS91xxx 1.1 Te tūhura i ngā ariā toi kei ngā mahi a te rēhia

### Taumata 1

	Paerewa 1.1	Paerewa 1.2	Paerewa 1.3	Paerewa 1.4
<b>Paerewa</b>	Te tūhura i ngā ariā toi	Te tūhura i ngā tikanga toi	Te whakaatu māramatanga ki ngā nuka toi	Te whakamahi i ngā tikanga toi kia puta ai he mahinga toi motuhake
<b>Momo Aromatawai</b>	Ā-roto	Ā-roto	Ā-waho	Ā-waho
<b>Whiwhinga</b>	5	6	4	5

# Review of Achievement Standards

## Taumata 2

	Paerewa 2.1	Paerewa 2.2	Paerewa 2.3	Paerewa 2.4
<b>Paerewa</b>	Te whakataurite i ngā mahinga toi onamata ki tētahi mahinga toi o ēnei rā	Te whakamahi i ngā tikanga toi	Te whakamāori i ngā whakaaro	Te whakamātau i ngā tikanga toi kia puta ai he mahinga toi motuhake
<b>Momo Aromatawai</b>	Ā-roto	Ā-roto	Ā-waho	Ā-waho
<b>Whiwhinga</b>	5	6	4	5

## Taumata 3

	Paerewa 3.1	Paerewa 3.2	Paerewa 3.3	Paerewa 3.4
<b>Paerewa</b>	Te tātari i te awenga o te ao whānui ki ngā tikanga toi ataata	Te tātari i ngā tikanga toi	Te whakamārama i ngā whakaaro i roto i ngā toi	Te kōtuitui i ngā tikanga toi kia puta ai he mahinga toi motuhake
<b>Momo Aromatawai</b>	Ā-roto	Ā-roto	Ā-waho	Ā-waho
<b>Whiwhinga</b>	5	5	5	5

## Taumata 1

Paerewa

1.1 Te tūhura i ngā ariā toi

## Review of Achievement Standards

**Whiwhinga**  
**Momo Aromatawai**  
**Aronga**

5

Ā-roto

Ka tautohu i ngā ariā o tētahi tikanga toi. Ka whakamārama i ngā whakaaro mō ngā ariā nei i runga anō i te āhua o tōna horopaki. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa**  
**Whiwhinga**  
**Momo Aromatawai**  
**Aronga**

### **1.2 Te tūhura i ngā tikanga toi**

6

Ā-roto

Ka tūhura, ka whakaatu māramatanga ki ngā tikanga toi e hāngai ana ki tētahi horopaki. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa**  
**Whiwhinga**  
**Momo Aromatawai**  
**Aronga**

### **1.3 Te whakaatu māramatanga ki ngā nuka toi**

4

Ā-waho

Ka whakaatu māramatanga ki ngā nuka toi o roto i tētahi horopaki toi. Ka tautohu i te hononga o ngā nuka toi ki tōna ao. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa**  
**Whiwhinga**  
**Momo Aromatawai**  
**Aronga**

### **1.4 Te whakamahi i ngā tikanga toi kia puta ai he mahinga toi motuhake**

5

Ā-waho

Ka whakamahi i ngā tikanga toi e tika ana kia puta ai he mahinga toi motuhake. Ka tutuki te mahi mā te waihanga/whakarite mahinga toi motuhake. Kei te horopaki o te ako te tikanga mō te momo mahinga toi me ōna āhuatanga e hāngai ana.

## Toi - Taumata 2

**Paerewa**  
**Whiwhinga**

### **2.1 Te whakataurite i ngā mahinga toi onamata ki tētahi mahinga toi o ēnei rā**

5

## Review of Achievement Standards

**Momo Aromatawai Aronga**

Ā-roto

Ka tautohu, ka whakamārama i ngā āhukatanga matua o ngā mahinga toi onamata me te hononga ki tētahi mahinga toi o ēnei rā. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa Whiwhinga Momo Aromatawai Aronga**

### **2.2 Te whakamahi i ngā tikanga toi**

6

Ā-roto

Ka whakamahi i ngā pūkenga, tukanga, huānga e tika ana mō te horopaki o te mahi. Ka tutuki te mahi mā te waihanga/whakarite mahinga toi. Kei te horopaki o te ako te tikanga mō te momo mahinga toi me ōna āhukatanga e hāngai ana.

**Paerewa Whiwhinga Momo Aromatawai Aronga**

### **2.3 Te whakamārama i ngā whakaaro i roto i ngā toi**

4

Ā-waho

Ka whakamāori atu, ka whakamāori mai rānei i tētahi/ētahi whakaaro i roto i ngā toi. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa Whiwhinga Momo Aromatawai Aronga**

### **2.4 Te whakamātau i ngā tikanga toi kia puta ai he mahinga toi motuhake**

5

Ā-waho

Ka whakamahi, ka whakamātau i ngā tikanga toi e tika ana kia puta ai he mahinga toi motuhake. Ka tutuki te mahi mā te waihanga/whakarite mahinga toi motuhake. Kei te horopaki o te ako te tikanga mō te momo mahinga toi me ōna āhukatanga toi.

## Taumata 3

**Paerewa Whiwhinga Momo Aromatawai Aronga**

### **3.1 Te tātari i te awenga o te ao whānui ki ngā tikanga toi ataata**

5

Ā-roto

Ka tautohu, ka whakamārama i te awenga o te ao whānui ki

## Review of Achievement Standards

t/ētahi tikanga toi. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa**  
**Whiwhinga**  
**Momo Aromatawai**  
**Aronga**

mahinga toi,

### **3.2 Te tātari i ngā tikanga toi**

5

Ā-roto

Ka tautohu, ka whakamārama i ngā tikanga toi e hāngai ana ki te kaupapa. Ka tutuki te mahi mā te waihanga/whakarite mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa**

**Whiwhinga**  
**Momo Aromatawai**  
**Aronga**

### **3.3 Te whakamārama i ngā whakaaro i roto i ngā toi**

5

Ā-waho

Ka whakamārama i t/ētahi whakaaro/kaupapa i roto i ngā toi. Ka tutuki te mahi mā te waihanga/whakarite mahinga toi, mā te tuhi rānei, mā te whakaaturanga rānei, mā te aha atu rānei. Kei te horopaki o te ako te tikanga.

**Paerewa**

**Whiwhinga**  
**Momo Aromatawai**  
**Aronga**

### **3.4 Te kōtuitui i ngā tikanga toi kia puta ai he mahinga toi motuhake**

5

Ā-waho

Ka whakamahi, ka kōtuitui i ngā tikanga toi e tika ana kia puta ai he mahinga toi motuhake. Ka tutuki te mahi mā te waihanga/whakarite mahinga toi motuhake. Kei te horopaki o te ako te tikanga mō te momo mahinga toi me ōna āhuatanga toi.



## **Ngā Paerewa Paetae**

# Review of Achievement Standards

## 1.1 Te tūhura i ngā ariā toi

<p><b>Paetae</b></p> <p>Te tūhura i ngā ariā toi</p>	<p>Hei tohu i te paetae:</p> <ul style="list-style-type: none"> <li>• Ka tautohu i ngā ariā o tētahi tikanga toi.</li> <li>• Ka whakamārama i ngā whakaaro mō ngā ariā nei i runga anō i te āhua o tōna horopaki.</li> </ul>
<p><b>Kaiaka</b></p> <p>He kaiaka te tūhura i ngā ariā toi</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i ngā ariā o tētahi tikanga toi.</li> <li>• Ka whakamārama i ngā whakaaro mō ngā ariā nei i runga anō i te horopaki whānui o ngā toi.</li> </ul>
<p><b>Kairangi</b></p> <p>He kairangi te tūhura i ngā ariā toi</p>	<p>Hei tohu i te kairangi:</p> <ul style="list-style-type: none"> <li>• Ka whakamāori i ngā ariā o tētahi tikanga toi.</li> <li>• Ka whakamārama, ka kōtuitui i ngā whakaaro mō ngā ariā nei ki ngā horopaki huhua noa.</li> </ul>

## Kōrero Āpiti

E whai ake nei ko te whakamāramatanga o ngā kupu whaitake me ngā kīanga:

Āriā toi	Ngā kōrero whaitake mō te takenga mai o tētahi/ētahi āhuatanga, tae atu ki ngā kōrero pūtake, whakapapa hoki mō te tikanga toi me ōna āhuatanga
Tikanga toi	Tētahi momo toi, āhuatanga toi, me ōna tukanga, pūkenga, huānga
Whakaaro	Ngā tirohanga, ariā, uara, tae atu ki ngā mātauranga o te ākongā
Horopaki whānui o ngā toi	Te ao e noho ngātahi nei ngā momo toi katoa me ōna tini āhuatanga
Ngā horopaki huhua noa	Ngā horopaki ki tua atu i ngā toi me te wā/wāhi e noho nei tātou

# Review of Achievement Standards

## 1.2 Te tūhura i ngā tikanga toi

<p><b>Paetae</b></p> <p>Te tūhura i ngā tikanga toi</p>	<p>Hei tohu i te paetae:</p> <ul style="list-style-type: none"> <li>• Ka tūhura, ka whakaatu māramatanga ki ngā tikanga toi e hāngai ana ki tētahi horopaki.</li> </ul>
<p><b>Kaiaka</b></p> <p>He kaiaka te tūhura i ngā tikanga toi</p>	<p>Hei tohu i te kaiaka:</p> <ul style="list-style-type: none"> <li>• Ka whakamāori, ka whakaatu māramatanga ki ngā tikanga toi me te hononga ki te horopaki whānui o ngā toi.</li> </ul>
<p><b>Kairangi</b></p> <p>He kairangi te tūhura i ngā tikanga toi</p>	<p>Hei tohu i te kairangi:</p> <ul style="list-style-type: none"> <li>• Ka whakawhānui, ka whakaatu māramatanga ki ngā tikanga toi me te hononga ki ngā horopaki huhua noa.</li> </ul>

### Kōrero Āpiti

E whai ake nei ko te whakamāramatanga o ngā kupu whaitake me ngā kīanga:

Tikanga toi	Tētahi momo toi, āhuratanga toi, me ōna tukanga, pūkenga, huānga
Horopaki whānui o ngā toi	Te ao e noho ngātahi nei ngā momo toi katoa me ōna āhuratanga
Ngā horopaki huhua noa	Ngā horopaki ki tua atu i ngā toi me te wā/wāhi e noho nei tātou

# Review of Achievement Standards

## 1.3 Te whakaatu māramatanga ki ngā nuka toi

<p><b>Paetae</b></p> <p>Te whakaatu māramatanga ki ngā nuka toi</p>	<p>Hei tohu i te paetae:</p> <ul style="list-style-type: none"> <li>• Ka whakaatu māramatanga ki ngā nuka toi o roto i tētahi horopaki toi.</li> <li>• Ka tautohu i te hononga o ngā nuka toi ki tōna ao.</li> </ul>
<p><b>Kaiaka</b></p> <p>He kaiaka te whakaatu māramatanga ki ngā nuka toi</p>	<p>Hei tohu i te kaiaka:</p> <ul style="list-style-type: none"> <li>• Ka whakaatu māramatanga ki ngā nuka toi o roto i te horopaki whānui o ngā toi.</li> <li>• Ka whakawhānui i te hononga o ngā nuka toi ki tōna ao.</li> </ul>
<p><b>Kairangi</b></p> <p>He kairangi te whakaatu māramatanga ki ngā nuka toi</p>	<p>Hei tohu i te kairangi:</p> <ul style="list-style-type: none"> <li>• Ka whakaatu māramatanga ki ngā nuka toi o roto i ngā horopaki huhua noa.</li> <li>• Ka whai māramatanga ki te hononga o ngā nuka toi ki tōna ao.</li> </ul>

### Kōrero Āpiti

E whai ake nei ko te whakamāramatanga o ngā kupu whaitake me ngā kīanga:

<p>Nuka toi</p>	<p>Ngā rautaki/tikanga/tukanga/huānga e hāngai ana ki te whakamāoritanga mai/whakamāoritanga atu o ngā whakaaro/kare ā-roto i roto i ngā toi</p>
<p>Horopaki whānui o ngā toi</p>	<p>Te ao e noho ngātahi nei ngā momo toi katoa me ōna āhuetanga toi</p>
<p>Ngā horopaki huhua noa</p>	<p>Ngā horopaki ki tua atu i ngā toi me te wā/wāhi e noho nei tātou</p>

# Review of Achievement Standards

## 1.4 Te whakamahi i ngā tikanga toi kia puta ai he mahinga toi motuhake

<p><b>Paetae</b></p> <p>Te whakamahi i ngā tikanga toi kia puta ai he mahinga toi motuhake</p>	<p>Hei tohu i te paetae:</p> <ul style="list-style-type: none"> <li>• Ka whakamahi i ngā tikanga toi e tika ana kia puta ai he mahinga toi motuhake.</li> </ul>
<p><b>Kaiaka</b></p> <p>He kaiaka te whakamahi i ngā tikanga toi kia puta ai he mahinga toi motuhake</p>	<p>Hei tohu i te kaiaka:</p> <ul style="list-style-type: none"> <li>• Ka whakamahi i ngā tikanga toi e whaitake ana ki te horopaki o te mahi kia puta ai he mahinga toi motuhake.</li> </ul>
<p><b>Kairangi</b></p> <p>He kairangi te whakamahi i ngā tikanga toi kia puta ai he mahinga toi motuhake</p>	<p>Hei tohu i te kairangi:</p> <ul style="list-style-type: none"> <li>• Ka whakamahi i ngā tikanga toi e whaitake ana kia tau te whakaputa i tētahi mahinga toi motuhake.</li> </ul>

### Kōrero Āpiti

E whai ake nei ko te whakamāramatanga o ngā kupu whaitake me ngā kīanga:

Whakamahi i ngā tikanga toi	Te kōwhiri, whakamahi, whakamātau, raweke i ngā tikanga toi kia whaihua ai
Tikanga toi	Tētahi momo toi, āhuatanga toi, me ōna tukanga, pūkenga, huānga
Mahinga toi motuhake	He mahinga toi nā te ākonga anō i waihanga kia tutuki ai tōna whakaaro
Ngā tikanga toi e whaitake ana	Ngā tikanga katoa e tika ana e hāngai ana ki te horopaki o te mahi/kōrero/whakaaro
Kia tau te whakaputa	Kua mārama mārika te whakamahi me te pūtake o ia tikanga toi, tae atu ki tōna hononga ki te horopaki o te mahi